

分宜縣志卷十四

人物列傳

嶺以袁闕名里以陳重名地由人重也秀江之水為
邑襟帶人得其秀以發名成業雖分道揚鑣要自有
不朽者在卓爾英流磊落相望謂非閭里光哉至傳
文不分品目仍舊增新存乎其人一已志人物

漢 陳重

唐 盧肇

李服

唐 盧邈

盧絳

宋 夏侯錫

李士安

李觀

彭椿

梁公价

歐陽中立

沈莊可

李師愈

歐陽椿

趙若燭

孫汲

孫億

傅公謀

易充

元趙榮

歐陽元

彭應雷

歐陽自強

彭繼凱

東漢

陳重字景公宜春人

今隸分宜旌儒鄉

少與鄱陽雷義為友俱學

魯詩顏氏春秋郡太守張雲舉重孝廉重以讓義雲不

聽明年義亦舉孝廉重與俱在郎署有同署郎負息錢

數十萬質責主日至重密以錢代還終不言惠又同舍

郎有告歸寧者誤持鄰舍郎綺去主疑重所取重不自

申說市綺償之後同舍郎歸以綺還主其事乃顯後與

義俱拜尚書郎義黜退重亦以事免復舉茂材除細陽

令政有異化拜侍御史祀鄉賢

後漢書

按人物志陳重與雷義後皆不仕同隱居鷄足山卒

合葬今其地名陳雷里

通志

唐

盧肇字子發宜春人

今隸分宜文標鄉

兒時見宜春令盧萼奇之

曰子異日當有聞肇於是益力於學舉會昌三年鄉試

入京獻書侍郎王起時起知貢舉遂擢進士第一授潼

關防禦判官初肇之未舉也李德裕謫州長史殊遇肇

後肇應進士德裕復入相見肇至曰吾喜為金榜得狀

元矣遂魁天下雖受裕知絕無倚附久之使相盧商大

尉裴休左僕射盧簡求先後奏碑從事稍遷著作郎除
倉部員外郎充集賢院學士持節歙州諸軍事肇於是
觀日月之運察盈虛之理為海潮賦成上之詔褒諭宣
付史館移鎮宣池二州遷吉州刺史卒所著有文標集
子文秀咸通中進士為長安令有聲官至宏文館學士
祀鄉賢

豫章集失

李服宜春人

今隸邑南
下午村

父游刺史封宜春侯服治易詩書

教授弟子累徵不應詔錫以粟帛賜號三經處士

嘉靖志

按李服為游之子縣志列唐人物嘉靖府志作宋者

誤

南唐

盧邈宜春人

今隸分宜
文標鄉

肇族子唐末預湖南計偕舉進士

獻迴文詩三百首官至秘書省正字

人物志

盧絳字晉卿自言唐中書舍人肇之後讀書畧通大指喜

論當時利病屢舉進士不第往來金陵丹陽間久之乃

上書論事陳喬異之用為沿江江巡檢募亡命習水戰宋

師來討以絳為凌波都虞侯守秦淮水柵屢勝諸將忌

其能說後主遣出校潤州節度使劉澄出送絳款率所

部走保宣州金陵陷絳獨不降謀南據閩中過歙州

刺史龔慎儀不出迎救之而行太祖使絳弟龔格之至

京師授冀州團練使遇慎儀尤子頴於朝曰是殺我父者執至殿陛訴寃詔屬吏樞密使曹彬言其材畧可用願宥其死使自効太祖曰是魏類侯霸禁何可留也斬於西市

南唐書

宋

夏侯錫天聖二年進士衡州司理丞軍稍遷吉州判官歷知南康興化軍皆以寔政聞治平中轉朝奉郎都官屯田郎中致仕子公績元豐八年進士裔孫士童元末登第官終瑞州路學教授

人物志

李士安字永和城西人以特奏同學究出身為人不妄喜

怒累為州牧後請老得養生之術視聽不衰年九十七

卒官至朝奉大夫

人物志

李觀士安從姪度量如漢黃叔度文章如唐元次山嘗著論有頴子幾之內孔子幾之外之說史傳諸書過目成誦慶歷二年試南宮賦偶失韻主司嘉其策特奏名登第時方冠知清江縣事熙寧初為大官令會重修御厨奉神宗旨撰記尋言役法不使出俸括蒼題詩值廳有自知不是公侯骨夜夜江山入夢來之句元祐初監江州太平興國觀司馬光為相以書名觀觀許之後淹留江上日久比至京光已薨除虔州不就請監南嶽廟以

歸觀嘗創玉谿洞自號玉谿叟為之傳洞有枹一堂水
仙亭香雪塢錦繡谷常醉吟其中於世味淡如也少好
神仙嘗遇異人劉海蟾後撰萬載燕州神記及岳川呂
公亭記每以得道自任而排斥釋氏至老不衰將卒數
日不食惟覽太平廣記神仙事跡且曰蓬萊方丈吾其
歸乎卒年七十三累官朝議大夫

人物志

按李觀府志載宜春人分宜舊志士安傳列城西人
觀與士安為父子兩說互異姑存竝考

彭持字知權漳源人少喜學西漢文為諸生時知軍州事
張顥稀簡接士求見者先令賦詩方得通士無敢進者

持奮曰是謂秦無人矣因入謁顥令作日新之謂盛德

賦藏器待用詩皆立就張大稱賞貢入大學與臨江孔

武仲齊名權進士甲科元豐間累遷至司農丞出為監

司號霹靂手終奉議郎江西提舉祀鄉賢

通志

梁公价字寶臣梁坊人少孤力學熙寧中進士調贛縣簿

稍遷承信郎守四門博士

前志

歐陽中立防里人初試部郎上書言新法不便以司馬光

門人坐元祐黨籍廢卒弟子私謚節孝先生

前志

沈莊可

宣和間進士知錢塘縣嗜菊庭植常數百

本晚年退居益放情於菊後以九月九日死朱子哭之

詩曰愛菊平生不愛錢此君原是菊花仙正當地下修
文日恰值人間落帽天生與唐詩同一脉死隨陶逕
千年如今忍向西郊哭東野無兒更可憐祀鄉賢

人志

李師愈字夢校

人宣和進士調永新簿再遷貴池丞

皆不赴匾其堂曰見一取林下見一人之意有集十五

卷嘉靖志集失

歐陽椿字永年防里人本廬陵歐陽修族紹興中進士瑞

金主簿稍遷至道州判官改判臨江軍轉儒林郎永州

教授進通直郎賜緋魚服未老以奉議郎致仕

泉號宜林老人有自修集俱軼祀鄉賢

通志

孫汲字公善

人寄籍臨江應舉授朝散郎監司知其

才檄權吉州吉素號煩劇汲居不越月境內稱治時黃

庭堅為太和令作詩送之曰宜春別駕鄉大人來假廬

陵二千石祀鄉賢

人物志

孫億字延齡

人擢進士第知吉州永新縣吉民歲市

緜六萬餘匹主外計者收帑錢以供他費給鹽以償緜

直億發其弊吉租歲收四十萬斛漕臣意在聚斂億預

戒庾吏定收什二以充羨餘守州約拒臺命出納一用

倉式徙知白州卒邀贈塋余靖為誌其墓祀鄉賢

通志

傳公謀

人善文章常作小詞曰草草三間屋愛竹旋

添栽碧紗窻戶眼前都是翠雲堆一月山翁高卧踏雪

水村清冷木落遠山開惟有平安竹留得伴寒梅家童

開門看有誰來客來一笑清話煮茗更添盃有酒只愁

無客有客又愁無酒酒熟且徘徊明日人間事天自有

安排其詞清雅曠達抗世離塵可想見其人風度又與

邑令許及之詩并無遮傍語皆調笑可誦集不傳於世

舊志

易克字正翁號中州

唐狀元重之後幼聰敏後登

年十六七博通易詩書號三經處士後授鄉貢進士

學者甚衆所著有中州文集祀鄉賢

通志集卷之七

趙若燭字竹逸城內人景定中進士知光澤縣子嗣城

通經史宋亡不仕立教於鄉及其門者衆所著有詩經

箋註名曰籬通祀鄉賢

通志嘉所著靖志失

按若燭通志列元人物誤今更正

元

趙榮字榮甫城內人由史學發身仕至朝議大夫萍鄉鄉

知州致仕子彥文以賢才徵知閩縣事

人物志

歐陽元字原功號圭齋其先本邑南防里人祖遷瀏陽元

魁湖廣鄉貢進士及第歷官翰林學士承旨封楚國公

贈大司徒文章道德師表當世所著有圭齋文集祀鄉賢人物志

彭應雷字震卿漳溪人延祐間舉儒士授南寧路判官稍遷蘭谿州同知有清白聲擢知泉州以奉訓大夫安福州知州致仕祀鄉賢通志

歐陽自強字南翁防里人延祐間科目盛行再試鄉舉不愜即幡然息進取志以著述教授自任為文明白純粹扶持道教族弟元嘗以漢士薦弗就年六十始從太師張子元之聘為郡學師課諸生以孝弟力行為本更故宅建樓白意山揭俟斯記學者稱意山先生所著有

易說約春秋辨正朔尚書閩法詳說等書皆

未發子貞別有傳府志

彭繼凱漳溪人至正末歐普祥陷袁州繼凱募義勇起軍樂鄉迎戰大破之會安福義士袁明東等亦引兵來賊退走州遂反正乃下令禁殺掠修城池繕甲兵吊死恤孤民賴以安迎舊守寶童歸嫉其功令刺客殺之明一統志

劉仲質 歐陽貞 袁天啟 黃子澄附與難

黃伯奇 黃潤 嚴孟衡 歐陽汶

袁象賢 李雲 歐陽誠 李公信

李香 易鸞 彭鳳 袁怡

趙錦 趙濂 張允中 趙炳旭

宋希堯 嚴克忠 嚴堯臣 彭士遠

嚴堯日 李日新 嚴堯雲 袁應梓

李茂賓 黃灝 彭大科 張承詔

嚴堯武 嚴雲京 鍾灼 黃希憲

張兆觀 朱允恭 張兆蘭 張自新

彭允中 李蕃 李宗聖 嚴雲炫

表以諒 劉應祥

明

劉仲質字文質城北西磯岡人洪武初為宜春縣訓導

薦入京奏對稱旨擢翰林典籍奉校正春秋本末十五年拜禮部尚書帝以天下郡縣並建孔子廟而祀止京師典禮未備命仲質議之仲質乃與儒臣奏定釋奠禮儀頒行天下學校每歲春秋仲月通祀孔子如儀時國子學新成帝將行釋菜侍臣有言孔子雖聖人臣也禮宜一奠再拜帝曰孔子明道德以教後世其可以職位論耶昔周太祖如孔子廟拵拜左右曰孔子陪臣不宜拜周太祖曰孔子百世帝王之師何敢不拜遂再拜今朕有天下敬禮百神於先師禮宜加尊崇乃命仲質詳議仲質請帝服皮弁執圭詣先師位前再拜獻爵又

再拜退易服乃詣彞倫堂命講庶典禮隆重稱陛下之意詔曰可又立學規十二條令欽定九條頒賜師生又奉命頒劉向說苑新序於天下學校令生員講讀是年冬改華蓋殿大學士帝親製詔文賜之坐事叅御史後以年老致仕仲質為人厚重篤實博通經史文體典確不尚浮藻帝常留意焉祀鄉賢

明史叅

歐陽貞字元春防里人從學士揭傒斯鄉進士夏鎮學工古文元季不仕洪武初以易經魁江西鄉試授考城主簿改扶溝以老歸後登洪武十八年丁顯榜進士所著有周易問辨三十卷史提鈎七十卷餘學初集龍江叢

稿東齋寓錄貧樂集自號石戶農祀鄉賢

人物志所著失

袁天啟挺秀鄉紐村人元末歐祥陷袁州天啟集民兵禦之不克祥怒屠其鄉天啟匿江灣林下獲免洪武初舉

儒士授本縣儒學訓導祀鄉賢

安志

黃子澄名濇以字行邑南澧源人洪武十八年會試第一

由編修進修撰伴讀東宮累遷太常寺卿惠帝為皇太孫時嘗坐東角門謂子澄曰諸王尊屬權重兵多不法奈何對曰諸王護衛兵纔足自守倘有變臨以六師其誰能支漢七國非不強卒底亡滅大小強弱勢不同而順逆之理異也大孫是其言比即位命子澄兼翰林學

士與齊泰同叅國政謂曰先生憶昔東角門之言乎子澄頓首曰不敢忘退而與泰謀泰欲先圖燕子澄曰不然周齊湘代岷諸王在先帝時尚多不法削之有名今欲問罪宜先周周王燕之母弟胤周是剪燕手足也謀定明日入白帝會有言周王楠不法者遂命李景隆率兵襲執之詞連湘代諸府於是廢楠及岷王梗為庶人幽代王桂於大同囚齊王樽於京師湘王柏自焚死下燕議周王罪燕王上書由救帝覽書惻然謂事宜且止子澄與泰爭之未決出相語曰今事勢如此安可不斷明日又入言曰今所慮者獨燕王耳宜因其稱病襲之

帝曰朕即位未久連黜諸王今又削燕何以自解於天下子澄對曰先人者制人毋為人制帝曰燕王智勇善用兵雖病恐猝難圖乃止於是命都督宋忠調總邊官軍屯開平選燕府護衛精壯隸忠麾下名護衛胡騎指揮關童等入京以弱燕復調北平左右衛官軍分駐彰德順德都督徐凱練兵臨清耿獻練兵山海關以控制北平皆泰子澄謀也時燕王憂懼以三子皆在京師稱病篤乞三子歸泰欲遂收之子澄曰不若遣歸示彼不疑乃可襲而取也竟遣還未幾燕師起王泣示將吏曰陷害諸王非由天子意乃奸臣齊泰子澄所為也

始帝信任子澄與忝驟事削藩兩人本書生兵事非其所長當耿炳文之敗也子澄謂勝敗常事不足慮因薦曹國公李景隆可大任帝遂以景隆代炳文而景隆益無能為遂敗於鄭村壩白溝河喪失軍輜士馬數十萬已又敗於濟南城下帝急召景隆還赦不誅子澄慟哭請正其罪帝不聽子澄拊膺曰大事去矣薦景隆誤國萬死不足贖罪及燕兵漸南與齊泰同請外密令募兵子澄徵服由太湖至蘓州與知府姚善倡義勤王善上言子澄才足捍難不宜棄閒遠以快敵人帝復召子澄未至而京城陷欽與善航海乞兵善不可乃就

史

任謀舉事為人告俱被執子澄至成祖親詰之抗辯不屈磔死族人無少長皆斬姍黨悉戍邊一子變姓名為田經過赦家湖廣咸寧正德中進士黃表其後云楊任洪武中由人才起家歷官袁州知府時致仕匿子澄於家亦磔死二子禮益俱斬親屬戍邊後太常祀鄉賢

明

明太常卿黃子澄靖難之禍株連十族異姓致命者五十四人其臨危勁節類皆皦皦可泣鬼神然事久而軼者夥矣徵文考獻畧散見於他書焉

趙子昇城內人為子澄姑婿早世無子及難作違其兄孟

昇弟蕪州巡檢仲昇並置於法

袁子良小北門車田人子澄姊婿良既就拘其子彥清彥
輝彥溫俱在緝中良姪彥英素孝友允任義俠見良
合門被戮懼履厥宗泣請彥溫逃匿星塘冒頂軍自
以其身出代被誅同時袁氏懿貞子良女亦代兄事
詳烈女

郭汗蒸南岸人子澄受業師年八十歲禍延日子邑拜生

子敬不忍老父受刑願以身代弗許遂併見殺俱初增

按文皇執方孝孺至詰之曰將誅爾九族孝孺應對
云便十族奈何後併坐子澄十族郭氏之及以此

外見聞異詞亦弗深考要之慷慨捐軀其致一也

黃伯奇江夏人資性純篤雅尚禮義洪武中舉才行老成

授金華知府蒞政嚴謹吏服其能祀鄉賢明一統志

黃潤字彥清子澄子也年十餘能通論語尚書好讀左氏

傳西漢書夜分不寐帳中恒有光一日同兄彥修從父

子澄謁皇太孫候於殿外遇解學士縉至令對偶曰兩

位黃生玉潤齊齊入侍黃廉彥清應曰一名大老縉紳

肅肅進班大內父叱之母得稱長者之名曰此解公字

也曰小子何由知之歷問滿朝名字無不知者復對曰

萬年赤帝金城奕奕來朝赤烏縉大奇之因以言之於

上命皆為國子生兄玉素患腹疾每試多不與潤必奮勵在優等會北兵起潤年二十七上萬言疏上嘉納之命為五經博士持方畧謁齊尚書泰咨薦駙馬梅殷軍督鎮淮楊北為之阻道得請以翰林博士兼提督常著用世畧海上紀部下數千人用命拒即位詔圖興復護駕南遜上建文尊號兵力不支殿而死之生於洪武甲寅至洪熙元年附葬馬鞍山陽遺八子皆幼夫人顧氏亦被難兄彥修為之撫養成立者三人曰鉉錫鑄會分寧伯仲子洋輩脫繫散居海上黃溪浦皆其後云前志

敬孟衡字衡中介橋人永樂乙未進士授山西道監察御史衡形貌魁碩稟心峻潔為御史正色立朝屢疏大臣不法百司憚其風采陞浙江按察司副使蒞任之先夕胥吏不戒於火案牘燬在事皆夤緣規避衡身有引辜受罰運輓逾年有白其枉者赦令復職時法網稍密衡悉心平反至一牘中理寃濫數十人遷四川右布政使凡三年卒於官輿襯歸舟無行李涉江風濤異道傍巨石鎮舟石卒委棄新喻路左土人用篳蹊坎猶呼為布政石好事者銘其上有扁舟羽駛是作滿羸沛淮仗信庸蜀著清之句祀四川名宦府縣鄉賢五子析產各止田十二畝有奇長子璉贈少傅叔子璣魁成化丁酉鄉

試任四川犍為教諭先耕隣人田赴試時猶秉鋤收芋
田水里人至今傳之

人物志
前志

歐陽汶字伯魯防里人宣德間舉經明行修授開封訓導
持正不受士贄值黃河水溢壞廟學聖賢像捐已貲新
之改永康邑人童睦失藏金至父子相惡汶為解白且
成就其學遂以科目發身購民地創尊經閣修永康志
改國子學錄大監汪直鈎距傷人汶為上書力辨遷周
藩長史輸所賜庄田子粒濟軍匠食汝陽王縱肆故國
主申祖訓之禁却其餽多金人有歐三清之目復改伊
府右長史王妃子患疽妃父引遊僧進因針灸薨王笞
妃父撻遊僧且死汶舉祖訓諫王為賦詩志悔致仕家

居嘗舉郡邑秋夏二稅過重請比例鄰邑奏減知府董

竟如所請入奏所著有介軒文集祀鄉賢

恭府志集失
及行狀

袁象賢號敬庵小北門車田人資性穎悟初治詩後改禮

記中永樂丁酉舉人官刑部主事恭決疑獄多所平反

同察咸服其才因父庠生彥明母梁氏年俱高乞終養

錦衣娛親里鄙榮之家居杜門惟日手一卷衍為庭訓

子正恭正理正達並邑諸生能文有聲以壽考終都諫

劉叢銘其墓

李雲雙源人壬辰進士浙江海鹽縣令廉明方正興學校

均差徭所治多惠政士民德之任滿以年老致仕怡情

山水所著有雙峯集詩文問世長子公儀歲貢任湖廣

宜章縣令次子公信別有傳前志集失

歐陽誠字應遠防里人孝友端誠博學善考據談古今事

歷如掌以貢入國子中嘉靖辛卯順天鄉試授湖廣

景陵知縣未赴任卒嘉靖志

李公信雲子公儀弟貢為國子生授襄陽衛經歷東安知

縣廣州府通判清苦自持所至有聲致仕歸卒兩任俱

祀名宦嘉靖志

李香箬溪人正德辛巳進士初授工部主事由分徐州直

歲荒捐俸賑窮瘞死轉刑部郎尋權廣東兵備道綏靖

蠻寇朝廷褒之補任山西受命勘邊深入撫勦歷陞四

川巡撫都御史大理正卿引疾致仕清恬端莊宦轍所

經靡不服其公廉家居敦尚孝友捐橐贍族修葺學宮

卒祀鄉賢長子慶餘亦篤孝友人物志

易鸞字鳴和城內人幼聰穎能詩正德十五年奉文建太

常忠臣祠鸞自呈願以已地立祠助修登嘉靖癸未進

士授和州知州下車手較權量使民畫一時有易公稱

斗之號政善民安修和州志皆出鸞自譔陞刑部郎奉

差審錄年三十八卒祀鄉賢子宏器嘉靖丙午鄉試第

一家居清澹博古善文未仕卒

人物志

袁怡號西園小北門車田人嘉靖二年貢入國學授廣東高州府推官居官廉明才能敏決案無留牘有古廷尉持平風蒞任二載引疾乞休撫按堅留請益力知志不可挽命電白縣以鼓樂彩亭榮其行去之日郡人供張祖道怡涕泣謝之立專祠後崇祀名宦居鄉好獎厲人才里人德之卒祀本邑鄉賢著有見一庄文集子應樞由工部郎中歷任廣東布政司叅議

縣志集賦

彭鳳號夢瀑西岡人嘉靖乙未進士選庶吉士授編修以名節自持冊封岷嶺却諸餽遺甲辰會試克同考官時

相欲徇所私鳳峻拒不納撒棘後有撫拾科場之與者波及鳳竟用罷歸家居分俸贍族割田供祀敦行孝弟一嘗引呂氏藍田約叅酌成編講家約一年四舉西岡彭氏家法遂冠一邑著有逸休堂稿祀鄉賢季子士兆選

貢亦以博學孝友稱

前志

趙錦城內人少負逸才未三十厭逐隊諸生中棄去養親能於詩翰年八十五郡守季舉鄉飲賓不赴錦賦七律以謝有賢侯有意求遺佚博士將函及老農之句又萬年橋詩云鈴岫雨餘橫玉竦清源春漲起蒼龍其丰度可想祀鄉賢子濂別有傳

卷舊縣志

趙濂城內人錦之子也幼習庭訓工詩文弱冠膺選貢授
石埭令累遷惠州郡丞所至有惠政事親以孝聞撫姪
如子處族里昆弟恤孤賑貧好引進後學邑人稱為東
谷先生年九十五卒所著有丙餘錄歸田藁寄適集若
千卷藏於家子伯冠亦工古文詩詞以貢官大理樞密
有治行稍遷養利守卒所著有行窩錄臨中藁等書

志恭舊
縣志

張允中字堯卿號柳沙西關人為人端肅讀書淹洽最嗜
金鑑錄文亦師事之由是知名試輒冠軍嘉靖壬子舉
於鄉授始興知縣賢聲蔚起調任英德有惠政陞長沙

通判尋遷本郡府丞奏最上者致仕歸杜門吟咏自娛
汲引後學每以器識為先孝友為訓祀鄉賢

趙炳旭字晉之城內人少遊黌序嫻於詩文為人具至性
溫厚正直邑中輿廢多所折衷父伯冠任養利卒於官
太父濂以惠州同知致仕家居娛情詩酒喜賓朋座客
常滿炳旭左右其間承順意旨一無所拂歷四十餘年
如一日別駕許廉得其行誼舉順孫後領歲薦卒孫鳴
鏜亦以文行著以歲貢任廣永豐訓導

舊志恭

宋希堯字淑中城內人性宕蕩和易下筆如注萬歷丁丑
進士初張四維受卷希堯文進呈第一已經開讀至傳

臚時忽置二甲第一時江陵不丁母憂鄒爾瞻持疏叅
劾希堯亦侃侃持論為所忌授刑部主政未幾稱病即
鈐罔越歲出補工部營繕司管京倉竹頭木屑必親以
過瘁得病卒祀鄉賢鄒爾瞻有墓銘通志

嚴克忠號靖可介橋人天資英敏制藝秀爽試屢冠軍萬
歷癸卯恩貢授溫州府判溫瀕海地時多寇警適郡丞
缺兼理戎政督司稅務飭卒峙儲帖然安堵署永嘉樂
二邑篆邑倉夫差苦條陳利病申請筦輪出納俱司官
吏無累民治行稱最致仕居家戎彩潛修暇日復理舊
編析疑義著精旨一卷祀鄉賢子二俱庠生次子堯叔

學優性介孝行著聞孫雲栗雲臬俱庠生曾孫一輝歲

貢訓導

恭舊志所著
共

嚴堯臣字良卿號印洲介橋人性穎達博聞強記髫年領
于庠家貧好施與不以錙銖為念研究古今自成一家
言足不履公門見邑中大利病則從公建白以孝友仁
讓相先邑里鄉族無間言十困棘園舉明經卒長子雲
京為名御史次子雲台歲貢舊志

彭士遠字利見西岡人萬歷癸酉鄉舉初授廣西賓州知
州移河池州州素患土孽士遠至恩威並著廉得其渠
魁地方寧謐興學校子弟之秀者親督課開廩餼士尋

遷鳳陽同知以河功加俸卒於京祀鄉賢通志恭前志

嚴堯日號用汲介橋人選貢舉庚子順天鄉試讀書淹貫

詩文力追古失家善真草書署泰和教諭闈郡士俱來

學吉水劉同升臨川陳際泰並師資之大司馬郭子章

稱曰建學以來未有如先生者也吉水鄒元標倡會講

學堯日究晰性理鄒為推服乙卯分校蜀試壬戌鄒起

都察院詔為幕屬力辭復署汾西卒生平見義慷慨闢

分邑學門屢膺著泰和築壩建浮園署汾西建魁樓皆

極力擔荷澔家孝友所著有白華館葉西昌雜草行世

祀鄉賢孫一晁順治辛卯鄉薦通志所著

軼

季日新字欽謨城西人萬歷庚子鄉舉生而穎異淹通經

史為文根據理要自期遠大登賢書後益閉戶遂養居

城西非公不至公庭甘清貧不事家產考定祖墓置祭

田以安先靈屢戒族人曰吾家發源憲公以子游刺表

州遂家州之白芒憲苑秦浚莖紅花御囑世世子孫歲

加省視母以眾祖相推讓其教本睦族如此兄曰華亦

以文名由歲貢任吉安訓導講學課藝門下多知名士

嚴堯雲字望鄉號漢理介橋人堯日同母弟也性疏朗立

志節博雅善談名理屢試弗售以詩文自豪遍訪知交

遊金陵及荆湘黔蜀吟咏成帙年垂九十舊志

分宜縣志

袁應梓車田人性恬澹鯁介不能脂韋君家寡言笑慎行
檢悅詩書敦孝友雖為諸生論高士者必首稱壯應詔
授儒官隱去屢舉鄉飲賓

舊志

李茂賓白芒人郡廩生當貢不就而隱其友人贈之詩云

羨君早挾風雲氣此日翻潛水竹居蕉鹿笑看塵世夢
魯魚閒較古人書俗無營擾闕長閉客有過從酒不虛
清夜細繙高士傳孤山和靖恰相如人以為定論

舊志

黃灝號應川棲霞人生而穎異工詩文好義喜施里中有
不平事常求質其成晚怡情柳菊結廬楊橋之東號柳

東居士

舊志

彭大科號媿名西岡人萬歷丁酉鄉舉初知漢川縣縣有

河名劉家隔者巨鎮也商賈絡繹歲額派商稅八百金

協濟潞府以縣丞駐隔地徵收率以為常癸丑河閘舟

楫不通而稅仍歲徵大科與邑紳周嘉謨議請之大府

列疏入告得允裁冗員罷隔稅調知廬江有惠政陞北

城兵馬司時權璫魏忠賢用事大科守正不阿左遷景

東同知會璫敗擢工部營繕司主事監督陵工官錢無

所私歸卒祀鄉賢

人物志
泰舊志

張承詔號篤渠泗下人萬歷乙未進士授蘓州推官廉明

風厲吏民畏服為立專祠遷禮部主事崇正戊辰擢戶

科歷工部都給事中果決敢言闢三朝要典劾諸閣臣
風裁謇諤有漢汲黯遺風庚午主考山東所錄多名士
陞太常少卿南太常卿通政使刑部左右侍郎戊寅署
尚書無何逆璫獄起始於鄧希詔造奸梁四潛構成之
事下三法司承詔與都御史鍾炘會審力主正議按璫
以法忽改命東廠王之心復審易詞翻案承詔具疏確
執前議忤旨闕往卒祀鄉賢子士元孝友溫和丁內外
艱以哀悼鬚髮盡白丁亥歲大祲餓殍載塗元煮粥以
賑全活者衆孫祖德亦舉鄉試通志

嚴堯武字定寰號文峰介橋人孟衡六世孫幼穎慧一覽

不再行文靈快簡易嘗與宋希堯肄業吉祥寺擬對殿
試策淋漓數千言俱根據性理舉萬歷乙卯鄉試公車
報罷怡情詩酒家故貧不屑治生產惟好聚書貽後子
七人俱斐英洋壁凜庭訓也

嚴雲京字子仰號志印介橋人萬歷乙卯鄉舉取經藝錄

程崇正辛未授太湖教諭檉知平原縣修城繕器除弊
救荒戊寅以城守著績陞兵馬指揮御史楊仁愿給事
中陰潤俱疏薦名對授御史屢有條奏薦黃道周楊廷
麟姜曰廣劉同升等巡按河南兼監軍時汴圍越月京
疾趨受事促諸鎮左良玉劉澤清許定國等進兵援汴

圍稍解未幾賊復合京激勵諸鎮賊報効而諸鎮竟
鼓譟引去值霖雨彌月平地成川賊決河灌城城沒而
汴圍獲解京集舟數百編筏冒大浸營救宗籓吏民會
上制遣監車來代京乃歸杜門卻掃林居十七年惟地
方利害慨然引陳年七十五卒祀鄉賢通志

鍾灼字叔憲號昭明山泗人天啟壬戌進士授中書考選
戶科歷禮科都給事中鎮密不妄言嘗以哀賦浮重又
遼餉加派煩多約諸紳在朝者疏請豁減卒以部議格
未盡行庚午主試湖廣一時稱得人陞太常太理少卿
順天府尹太理正御史工二部左右侍郎左都御史灼

體貌魁梧器識沉練時謂公且大用以逆璫事與邑侍

郎張承詔會審秉筆忤旨語具承詔傳中灼因回籍閉
住林居十餘年罕談時事庚寅卒祀鄉賢通志

黃希憲原名金貴字雙南泗背人天啟乙丑進士知順德
縣擢御史兩淮巡鹽時中費用事額課不足特疏更綱
釐政一新巡按甘肅約浮費飭將吏禦變有方畧遷太
僕少鄉應天巡撫三吳漕白二糧民苦已久希憲至力
為請命海寇王尚忠蹂躪崇明各村落賊渠散脅吳松
悉平晉秩河道總督兼兵工二部侍郎崇正末疏薦宣
城應聘建言諸生沈壽民學行可大用為部議所格不

報乙酉值姦黨用事誣以河工冒餉下詔獄會喪亂出
亡遇盜殺於紹興江上

人物志
參府志

張兆觀號雲階西關人温厚嫻文辭三中副車舉明經通
判邵武府鎮靜有政績擢守黔開州首建學校苗民始
知書厥兵革而州以寧開州人於學旁立祠尸祝焉尋
以補官道卒

前志

朱允恭字君培石陂人舉萬歷戊午鄉試授望江知縣臺
司交薦時淮海彫殘恭以循良高等遷守海州焦勞拮
据地方稍有起色會忤當事去任終知成都新津縣以
慈惠著聲恭早失父而貧事母純孝撫弟弱齡至老不

衰凡所入不以自私丁亥奇荒雖日不能再粥猶前
衣鬻於市周親族之貧者其好義如此祀鄉賢及忠孝

祠

參人物志

張兆蘭字以綺西關人性豪逸強記能文崇正己知督學
廣成侯峒曾拔第一辛巳選貢壬午廷試唱名禮部諸
生皆跪伏兆蘭獨長揖宗伯奇之入大學鄉試報罷歸
癸未冬憤張獻忠陷袁偽署官屬糾衆謀殺偽知縣龍
方捷恢復邑城事覺為所執殺之萬年橋上始終無屈
詞士林悲之祀鄉賢

人物志

張自新青竹人崇正閣任京山縣尉有賊盤踞羅漢嶺自

新統民兵往勦眾寡不敵竟為賊傷死之 通志

彭允中東岸人由貢生任石城訓導崇正壬午陞衛山教

諭敦樸寡言動作合度邑人多以為迂癸未張獻忠隔

衛山居民竄避允中與一老僕閉署端坐待賊比賊至

破署門拽允中出欲降之不屈偽知縣夏雲謂之曰教

官有何名節而倔僵如此允中曰惟為教官故不可降

教官士子之師教官降何以表率士子雲慚怒啖賊殺

之崇祀衛山名宦 事見明史
及衛山志

李蕃東溪人由歲貢任福建建寧訓導陞湖廣南漳教諭

捐俸倡修學宮攝縣事有富民萬霞者女字施某施驟

貧霞欲毀盟訟於縣霞以三百金賄求判離蕃伴受之

次日堂訊呼霞責曰爾所以毀施某婚者為施貧耳今

我贈金三百施氏子不貧矣事詳南漳縣志崇祀南漳

名宦祠

李宗聖泗下人縣廩生事繼母黃氏以孝聞母病衣不解

帶者四十餘日焚香籲天願以身代居喪哀毀邑令汪

載清以聞巡按張嘉旌其閭年五十偶游田間歸呼童

具沸泉就浣浣畢更衣危坐而逝 舊志

嚴雲炫號元素介橋人父堯佐有隱德允嚴庭訓炫負資

敏力學強記不隨時俛仰惟謹廉隅敦儉素崇正乙卯

校貢署新昌學博訓勵多士一以質直相尚毫無苛禮
解組歸休優游林下卒年八十餘 舊志

袁以諒邑西下園人性孝友砥名節天啟歲貢任寧都教
諭陞武進令勤勞著績引年致仕

劉應祥施溪人崇正九年鄉飲被張獻忠賊兵執於路自
知不免懼覆其宗詭云家藏金帛當盡出以相從賊蜂
擁至家祥語其嫂具酒食相待陰囑其子令族屬逃匿
賊酒酣命出金帛偕之去乃罵曰吾義士豈從賊遂殺
之其嫂亦以罵賊被殺

國朝

嚴雲台

張問明

趙鳴鈐

張祖植

宋廷珍

嚴雲會

李慶時

朱允清

張士達

嚴雲渭

彭萬祥

李松生

嚴一桂

林嘉會

黃瑞芝

張嗣旭

袁嘉縉

張嗣載

林育蘭

歐陽鍾

嚴一沆

鄧宗璉

黃承元

習廷獻

黃袍奇

嚴開祖

彭栽

郭廷輝

林際元

蕭大遇

張天衡

趙遜顏

張聯珂

嚴宗嘉

林鳴鵠

傅尚行

唐德義

宋式燕

歐陽徹

習敏

嚴宗喆

歐陽倩

楊師游

張祖煥

李逢遴

嚴一輝

張天嘏

歐陽鏡

嚴宗塤

黃汝茂

嚴宗璧

黃宣中

傅尚義

袁璉

張世棟

鍾學進

袁淑騫

夏侯隆

彭即達

張元瑾

周 峻

張 經

嚴宗定

任 蟠

黃廷琳

嚴開昱

趙廷楮

嚴宗質

歐陽去佞

張學鵬

黃郁李

張尚鏞

袁汝璧

彭源宏

李自謙

黃汝明

鍾元錦

趙 被

袁維被

李自被

夏侯燁

李發培

嚴思瀟

國朝

嚴雲台號心印介橋人博學有才望試輒首拔與兄志印有二難之稱為人端凝和易足跡罕履公庭與人交不設城府遇鄉里緩急調濟不辭平生好訓勵後學沐其教者類多知名以明經終子槐楷樾樞孫開貽等俱郡邑廩諸生 舊志

張問明字日章西關人幼失怙恃弱冠方就學勵志節丙寅以例貢任大名府魏縣值寇殘鄰邑抄掠城下單騎撫諭去以治河著功時督府盧嘉其能署叅永平軍戊

寅巳卯間大水丁亥奇荒煮粥施米全活甚衆司理王
延禔為題其廬曰德門遺老祀鄉賢

人物志

趙鳴鈴字一驚號賡陽下趙人順治丙戌鄉舉授上猶教
諭陞廣平知縣為教諭時以文課士率多士以禮義廉
節督學王曰藻嘉其賢總督張朝璘巡撫蔡士英薦校
刻其文於拔萃錄中生平安貧好學事父母孝敬不衰
處宗族鄉黨謙恭卑牧平易仁慈丁亥奇荒稱代買米
散給饑人卒年八十二子淑孔歲貢亦有文行

恭舊志

張祖植字公庭泗下人歲貢生少聰穎克自奮勵淹洽能
文為人重氣誼敦善行不怠居家以孝友稱司寇承名

子孫衆多植獨捐私不惑星歷忌諱營葬成禮任會昌
訓導憐才樂育學中租稅悉以贈貧儒陞翰林院孔目

宋廷珍字翼明城內人崇正間選縣丞國初題授知縣

未任順治十年袁郡請汰浮糧院司據實入告事下部
核時需廉幹之人賈冊赴部廷珍奮身北行勸力任勞
迄成事而還邑東江有鵝頭灘水石奇險約里餘往來
每壞舟廷珍竭貲募匠櫃水鑿險舟行利賴丁亥奇荒
倡義社施粥米平生不爽然諾不設畛域排難周急輕
財好施有古人風

嚴雲會字子際介橋人篤學重行誼名著黨庠尤樂善喜

施歲荒捐穀賑饑修橋道施棺藥汲汲如不及舉鄉飲
正賓子一心字淑尹穎悟有才畧以文學例補國子生
康熙丁巳征南將軍穆進勦湖南應徵入內幕叅贊戎
畧事平授攸縣教諭招安柳衡餘黨投誠者千餘人在
任修學校飭士習後以例格回籍子開昶令熒澤作官
箴十七則貽之皆老於吏者之言也祀攸縣名宦父子
俱祀鄉賢 府志

李慶時字用我箬溪人博通經史一試弗售不復進取倘
佯山水間妻弟大理丞吳三益延主西席贈金註吏選
天啟七年授蘄州常熟縣黃泗浦巡檢急公奉法盜解

民安及致仕繼引後學散財發粟尤能以德綏鄉人云
朱允清石陂人知州允恭弟為人質直端方樂善好施丁
亥奇荒糶穀價至五兩僵尸載道傾倉六百餘碩賑
饑者近鄉遂無餓殍嘗以醫藥濟人雪夜叩之不惜徒
步往視未嘗取貲直捐董題獎賜冠帶晚年始舉子柝
閩人以為隱德之報 泰舊志

張士達字伯允泗下人歲貢生學行卓越慷慨有伏波風
丁亥大歉施粥占星閣見餓殍即為瘞塋邑人食稱為
佳公子

嚴雲渭三歲失父及長事母至孝事叔如父撫孤姪如子

丁亥奇荒捐粟賑饑周急瘞死還金恤媪好善喜施不
務豈殖惟課子力學長一礪次一礪俱以廩生名噪庠
序司理王延樹縣令江載清等屢議舉鄉飲堅辭不受
卒年八十有三子一礪一礪已未癸酉先後膺歲薦以
母李氏年高不赴廷試恬退侍養兄弟杜門讀書不
利祿母年九十終長孫開敷補邑庠曾孫宗寅宗寧宗
增生宗定宗寬另有傳

彭萬祥字嘉正號菊隱潭溪人順治庚子鄉舉為人純擊
孝友同懷弟萬祺出繼家常不給屢推所有以應其他
新義種德不求人知鄉里有相推服行文根柢經籍一

本先正禮法陶冶人才甚力所著有四書纂要易經衍
義第三子騷號振齋幼失怙事母能以色養兄弟相友
愛嘗焚借券不責貧者償尤精舉業文名馳諸生中父
子皆以文行著以子泗鰲任金谿教諭贈修職郎所著

李松生字棟古城西人性醇篤嗜學康熙己酉鄉舉任大
姚知縣捐修文廟培植士風姚邑鹽課最重松生為繕
鹽井減鹽耗馭苗民恩威並著地方利弊力為興除以
勞瘁卒於官

嚴一桂字文軫介橋人御史雲京子讀書勵志節有匡濟
才以恩貢考授中書侍父林居弗仕篤於內行弟埏早

孤撫訓如子樂施與周族里貧乏丁責奇荒捐粟煮賑
全活甚衆邑有汰浮糧丈田諸事皆力為建白當事惟
重嘗毀家以紓族人之難子二開禧字集公開祐字嗣
叔俱以文章孝友為世稱任教諭潔已訓士所至荒舉
其職著有二難詩集開禧子宗塔附貢生端方正直慷
慨多義行開祐子六登科第者五以宗誥官知府兩世
贈中憲大夫

府志

林嘉會字一維白水人邑增生幼齡失恃依祖母楊氏仁
孝孺慕侍奉三十餘年尤謹事繼母黃氏曲得其歡心
友愛異母弟嘉渤人無間言順治戊子鄉中饑一盜

其弟以主名拘捕臨門黃氏仰天大恸嘉會白誣吾

并傷吾母將何以醒顏人世遂身當其難繫臨江獄中

三年當道察其寃得釋康熙丁巳秋孫際元就試臨江

試卷已錄而限於額其夜嘉會感夢於督學邵吳遠儒

冠長揖自道姓氏里居及長孫文堪上進醒得際元卷

嘉其古宥拔第一時瑞袁臨諸生環集名其子育蘭告

以夢詢以平時衣冠舉止皆符慨然嘆曰非其先人潛

德蘊隆不至此親題善有餘慶匾額行縣旌其門

泰府
縣志

黃瑞芝字九靈樓霞人由歲貢任東鄉訓導生平慷慨敦
氣節績學能文守道施閭章引重之行部至縣必招芝

講學賦詩居官造士有方羊城各士多出其門考滿赴
京值滇警上書執事陳論侃侃多可採者所著有詩文
集今軼

張嗣旭字熙甫西關人幼穎敏年十三饒麗庫肆力經史

古文從守道施愚山講學白鷺書院推以反躬責己為

要由歲薦授饒州府訓導隨材陶鑄深得士心以疾卒

于任所著有爾舫集一鴻亭草子聯軫歲貢生苦志力

學旁及諸子百家操履端方望而知為獨行君子孫由

增亦歲貢生家貧嗜書精楷法恂恂儒雅有古人風

哀嘉縉字殿正車田人品端學邃與弟嘉紳有文名時稱

二難衣冠言動造次必循矩護康熙甲寅縉應薦

紳已早世矣紳子潔性剛正不苟隨流俗博通經籍屢

空晏如顧蹟於棘闈莫慰素志康熙丁酉就明經選年

八十猶赴鄉闈

張嗣戴字坤合西關人嗣旭弟謹厚篤實兄弟友愛無間

然為文莊重有禮以歲貢任安福訓導遷龍南諭誅士

有方七十歸休林下撫卷吟哦至老不倦卒年八十四

子聯昌即廩生聯星邑附生聯珂別有傳

林育蘭字弁靈嘉會子也康熙間歲貢生平敦本任真有

讀書癖教授里中聲尊為嚴師任宜黃訓導修 聖宮

振學校課迪士子一以所教於家者施之年八十引告

歸宜黃人士為刻半壁好首以誌不忘子五並克紹前

人德朱文端軾為著孝友傳其文學尤著者際陶字館

山為文務去陳言試屢冠諸生年四十三卒際虞字有

麓癸酉鄉舉第二人性伉直有志當世之務博通經史

著禮記講義卒年五十二際元別有傳所著

歐陽鍾字儕雲防里人學富今古一日可十餘藝而法精

理密才大不失於肆善麟經得其傳者輒高第由廩生

舉康熙二十六年鄉試赴春闈擬元卒不第人咸惜之

所著有清門塾課清門雜草行於世所著

嚴一沆字右初介橋人康熙丁卯鄉舉品純學優以經術

自勵五上公車不第一意成就人才教授里中族子開

袒出其門下佩師訓為名御史士大夫競以幣招沆絕

意干謁嘗佐邑尹周開緒合表忠祠建義學工竣為記

其事從子開袞亦受學於沆循謹老成一經外無他嗜

好家酷貧以館穀治生善誘無疾言遽色士樂從之遊

由恩貢舉雍正乙卯鄉試二試禮闈不第卒於京師

鄧宗璉字子範七都人歲貢任崇仁訓導持躬端謹有師

範崇邑學宮圯捐俸倡修文風日盛士頌德不衰

黃承元字師中棲霞人辛未歲貢幼繼世父埤順治丁亥

奇荒碩米至十餘兩承元贊襄其父將餘穀百餘碩盡行賑貸生平不事生產家亦中落食蔬衣布終其身為人嚴正有學行卒年八十三康熙丙子鄉舉正中其長子也學行亦如其父大守胡應麟延為西賓從不以私干家居好行其德年甫四十一而卒子廷璧未弱冠廷琳年十二家徒壁立廷璧外奉鬣祖內事孀母下撫幼弟妹貧而有以自贍兄弟先後補諸生食餼各以館穀事母母袁亦賢母也甘貧無所俯仰廷璧江南塞北作遠遊每出不踰年歸省母子兄弟之間極天倫之豫為文力追嘉隆而不獲雋卒年五十一兩世俱贈文林郎

新津縣知縣廷琳別有傳

習廷獻字勉臣塘西人文章原本六經為諸生十試冠軍督學何棟廷入幕衡文後以選拔遊雍魯司成瑗評其文有方孟旋楊維節風作詩自出機杼不襲人牙後語嘗曰生平我朝即為我朝之詩何必凌唐駕宋耶家居以禮讓化其鄉遊其內者多知重器識而後文藝所著有內省草尋樂堂詩集四書解鑑論等篇後以購書卒於江寧弟廷泰廷見匍匐二千里扶柩歸所著黃抱奇字又常號松峯上松人幼奉庭訓勵志勤學貫穿百家所作詩文若夙構然典雅工切雖吉光片羽皆足

檜矣藝林嘗推本太極圖說行為啟蒙圖於五性感動
 善惡源流之分各繪以形綴以韻語極明白簡要取便
 覽誦其教授里中隨材善誘一時能文之士多出其門
 登康熙丙子賢書任陝西洛川令甫下車廉得邑中舊
 有雇役錢吏胥染指大為民累力裁減之從前積弊釐
 剔殆盡尋引年告休以陶隱居自况署號松峯子有松國學生
 嚴開祖字遠侯號曉亭介橋人康熙庚辰進士選知河南
 滎澤縣甫下車即減火耗之半以蘓民困報最行取授
 戶部主事歷員外郎陞禮部儀制司郎中乙未分校禮
 闈所得多名彥擢江南道監察御史時甘陝偏灾社

堂事重其名不赴有以暮金請託者力拒之

誨以禮讓一鄉多化服性尤純孝事繼母黃氏曲盡歡

心母亦視之如已出羣從十餘人際元為家督敦先人

孝友素風一門和順詩禮之教為通邑首稱年六十二

以明經終版著有菜根詩草子五俱見鳴鶴傳中詩草

蕭大遇字持簡介上久庠生質敏好學為文洋洋灑灑下

筆數千言事親以孝聞與弟姪合爨同居者四世治家

嚴而有恩歲饑捐金賑貸更捐穀百碩為倡族黨咸感

其意共捐二百碩歲分貧鄉之次貧極貧者有差不取

息耗所居界廬陵人有爭大遇以情排解皆歸於好人

深服其盛德云

張天衢字帝升泗下人力學善屬文屢薦鄉闈應康熙甲午歲貢選大庾訓導以年老辭生平仁心為質邑兩丁歲荒穀貴民饑衢率家人減常膳留餘以資賑貸當事推主賓進弗就時同懷兄弟並躋耄耄游處相提頹身古貌衣冠甚偉觀者慶羨為一門四老長孫遠吉佩服祖訓中康熙丁酉科武舉

趙遜顏字汶夫城內人孤介不諧俗惟詩文若性命父官

永豐訓導遜顏年十六欲往省家人阻之不從舟次忽墜水已深入矣念得復出見父死無憾舟人引篙援之

果得出人以為孝感易箒之夕戒二氏無得至門著有

梅園錄子被乾隆丙子鄉舉別有傳

府志錄失

張聯珂字介璜西關人嗣載子生平篤孝友力學砥行工

吟咏雍正六年由板貢教習選授零陵令邑蛟水大發

漂沒數百家捐賑二千餘金全活甚衆攝祈陽篆決疑

獄數大索以廉能調保靖苗疆甫下車革除陋規邑舊

無城池前任估築土城珂詳請捐三年養廉改建石工

邑諸營造經理皆裕如土司舊以民間男女為鄰疆鎖

物珂徧諭難民親屬呈報詳請闕回七百餘口俾完娶

樂業廉得奸苗將謀猖獗密會鎮守檣渠魁立斃杖下

衆苗畏之如神明編立保甲改十六旗為十六都各
立社倉捐穀碩以為民倡設義學延師訓諸生捐給脩
金膏火詳定歲科弟子員額陞新興知州引見赴任
至常德卒著有坦園詩集子申基附貢生州同職事二
親竭誠養志父聯珂性嚴教稍不悻必長惡請罪俟霽
乃起父宦遊隨侍左右務稱親志功服尊長遵父命為
之謀安全羣從弟姓為之受室他慷慨好義如此

嚴宗嘉字二猷號孚亭介橋人開祐次子康熙甲午鄉舉
署穀城咸寧二縣沔陽州事靖盜彌突有能名實授直
隸高陽縣新學輯邑乘梁循龍河以易舟渡人呼嚴公

橋湖王田例歲墾田課士邑有丈二窩上接蘄運河蘄
人謀毀蕙製紵已害以聲鄰監司已入其議宗嘉力持
不可爭之三年卒得直隸蘄州改避慶量移開州草
除里書改造順產冊按地徵賦歲省里甲雜費數千金
年六十餘卒於官為人孝放勳為出於天性歷任繁劇
賑水旱灾者七理軍需者二應大差者十有七民皆陰
受其德治獄仁恕嘗為同官會鞠平反申二戕子等一
十七人所至每留去後思司寇錢陳羣銘墓子三季秉
璋幼慧年十八以古學受知督學湯執棹第一著有云
云詩草甫弱冠先卒

府志

林鳴鶴字慎占際元三子康熙癸巳鄉舉讀書矜氣節剛直敢言郡邑中大興除多出其力為文傳通今古剴切事理高安朱文端執冢宰楊汝穀深引重之任都昌教諭整飭士習蒸蒸日上新陞建昌教授時大守徐天麒與盱江書院課士引之為助甄拔造就多為知名士鶴兄弟勿俱師伯兄鳴鶴鶴籍諸生有學行偃蹇不遇鳴鶴歲貢生大守薄復薦舉鴻博撫藩兩試並置第一人為人嚴重勇於行義邑學改建北向鴻與邑紳及弟鶴鷺力主其事並服其公正林氏累葉孝友鶴晚年家居鶴鷺已先卒與兄鴻弟鷺偕老林泉年各七十餘鬚眉

皓然鷺率羣從左右兩兄之間極襟裾至愛作人經師五十年晚膺恩貢人以為不愧學校坊表

恭府志

傅尚行字次文城內人歲貢自奉儉約獨緩急人無難色授長寧訓導好汲引後進有張鄧二生者邑書役子也貧不能具修脯資以膏火自督課後皆為名諸生

唐德義字宜臣雍正元年癸卯恩貢邑東北唐溪人幼服庭訓力學篤行衣冠言動造次必於儒者性耿介不稍希非分謙和之氣流溢眉宇間雖接待後輩見輒長揖選大庾教諭弗就舉鄉飲正賓亦弗就高誼古道粹然典型子綸孫師龍書香累葉食舊德也

宋式燕字用賓城內人康熙丁酉鄉舉事孀母愛敬純篤積學勵行思發憤為世用己酉鄉試應聘湖北截取赴部學習志不甘小就歸南庄書齋益究心六經之旨以苦讀成疾而卒 府志

歐陽徹字匹周防里人父光緝南城訓導以文行為魯司成瑗所重著有充楚家課徹遵其教工吟詩補邑諸生幼事祖母即能竭力代父勞嘗負之避兵荆莽中相保無恙事繼母氏伍委曲將順得其歡心兩兄先歿遺孤幼撫之如已出母頗有私蓄獨嘉徹孝養盡挈以畀之徹亦欣然從命迨母卒諸子成立乃涕泣告母靈三析之有欲舉其孝行上聞者曰君子愛人以德母以是子痛也晚年閉戶授經專事吟咏以嫡孫御史瑾贈如其官

習敏字遜志唐西人雍正癸卯鄉舉年十一失怙家貧遵母氏教教誨讀書終身服伯兄恭之訓撫幼弟惠友于無間性坦易衣冠言動一率其真積學為名孝廉壬子廣東同考官所得八人多知名士十上公車屢薦不第由明通授星子教諭上游稔其學行充白鹿洞監院院中佳士就質文藝開誠授以法度遠方遊學者踵至破格令俸給膏火後授寧德知縣繼前令築障海壩三年

而後工竣闢良田民賴其利調繁惠安值頻歲告歉賦額多積通敏權宜措注課完而民安堵及解官里居捐田奉祠祀賑貧恤乏多所全活內行質實稱其為人年六十四卒

嚴宗喆字學聖號愚齋介橋人開祐三子雍正丁未會魁長身豐髯風度嚴正授吏部文選司主事陞員外郎門無私謁得奸書舞文狀立白冢宰革之克已酉廣西正考官號稱公明事竣擢永昌守禁革土司饋送城關稅征額土夷歡服普洱逆苗之亂無敢犯境丁內艱服除補衡州府別弊除奸清積案五百餘件闢石鼓書院與

諸生講學郡屬有龍旺山明舊產鉛奸商希院再意呈請採鐵遞聚眾洶宗喆立詣廠封禁散其眾以專擅自劫歲荒發倉穀濟糴不待報以失揭耒陽令左遷江寧江防同知卒前後所歷多要地以清節著聞平生好讀理學書切已體認作文原本先正著有愚齋遺草

歐陽倩字肖曼防里人博通經史作文風發泉湧而法度森然甲申饑出粟貸鄉人償不償中雍正癸卯副車邑令譚延圭西席課子一領一為名進士有子六四列膠庠第三子琴乾隆二十三年歲貢胸次洒落善屬文尤敦行誼為邑南名宿

楊師游字範淳逢塘人雍正癸卯選貢肄業成均棟發廣
西借補龍門司巡檢秩滿權平樂知縣時宜山縣白土
蕪民蠢動大兵進勦檄辦軍需審決俘囚千餘人多原
情矜釋以軍功調宜山邑竟蕪無麥游捐貲市麥種沿
村散給自此宿麥連雲皆食其德丁內艱服闋需次適
武進縣缺人

特旨命往旋改婁縣婁家橫詐財誘婦女人號獼皮師游
廉得其實重懲之邑頌為楊佛有四野歸心圖之獻其
卒也江西布政使王興吾銘其墓

府志

張祖煥字公佑癸卯歲貢泗下人侍郎承詔孫也嗜學敦

品有獨行君子風孝於所生服勞奉養必躬必誠不肯
假手藏後同懷叔季早折曲為存祀晚歲分推族長家
範嚴肅孫世襲免繩祖武竭力祇事屢考厥考年踰大
耄世襲亦已周甲猶依依作孺子慕兄弟五人友愛無
死生間性質樸不苟隨流俗年十八領於郡庠試屢冠
其軍應乾隆丙子歲貢

李逢遶字升闢沔溪牌坊內人雍正二年歲貢八齡失恃
繼母氏林頗難事遶委曲將順感而成慈居恒謹身潔
己不累俗緣四壁蕭然一卷不能釋手父邑庠生奠每
以書慈目之其化導鄉人惟標先賢格言故鮮有不率

至訓課子姪凜若嚴師姪龍詔列明經科子天詔孫鳴球鳴璫鳴璣並列膠庠

做一輝字光遠介橋人少失恃事繼母潘氏以孝聞父大學生雲乘患痢家人傳染殆遍莫之近一輝獨朝夕侍彌月父卒哀毀異常時以未報生我之德為恨比司鐸寧都遇 覃恩亟請貶贈以慰夙願任寧都時刻有梅江課藝

張天淑字帝純城內人廩貢生為人誠慤坦易無城府宗固豐喜通財濟人緩急邑改建 文廟竭力捐助被陵訓導日課士明倫堂敷古處稿文雅正沐其

有成卒於官舍以子世棟官同知贈奉政大夫

歐陽鏡字堅載防里人幼穎異能文章為名諸生試輒優其曹却廩餼弗食性孝友與弟欽讀書相砥礪常友愛如童子時事大母伍氏稱順孫能得父母歡心樂施予喜交遊父母歿喪塋一準家禮課子嚴明有法初以子瑾官部曹膺褒封年僅四十有六鏡時在京師異中同官皆榮之鏡曰榮不以封無忝茲封斯榮耳即還舟歸布袍深衣以禮法訓其鄉人癸亥歲饑傾囊購穀以貸里黨而不責其償累贈通議大夫

嚴宗墳字峻聲介橋人雍正己酉鄉舉墳幼慧年十五冠

童子軍補邑諸生制舉及詩古文詞並工著作等身嚴氏自明方伯孟衡起家歷侍御雲京稱世族墳兄弟六人而嵩雁行為家督處家皆有經緯延名師率諸弟治經先後五登甲乙科以功名顯墳以太守簿履青薦試博學鴻詞旋丁繼母憂未赴兄弟並善事繼母高氏其遺腹弟宗璧墳教誨成就尤篤一堂之上融融洩洩愈謂德星聚一門宗吉已酉鄉舉為人渾穆無雕飾宗周邑諸生謹約持正以病不就鄉試宗嘉宗喆宗璧俱別有傳

黃汝茂字時育樓霞人雍正己酉鄉舉儀狀魁碩甘貧勤

學棟發廣東試用署臨高邑篆更萬州所至以勤授仁化令興學校增義塾膳羞均平鹽價民尤利賴之布衣蔬食不改寒素風凡二年卒於官

府志

嚴宗璧字泮英介橋人開祐季子為人豁達有大畧忠孝

天植生而孤自為童時即感泣矜奮敬服諸兄之教力學砥行逾弱冠登雍正己酉科鄉舉選知四川長壽縣

戡匪安良興學勸士邑有白蓮教一案蔓引多人宗璧

一無枉縱所矜釋保全尤多大府深器其能會大金川

用兵委督大役赴軍營轉運盡瘁遘疾則留熱龍關提督岳鍾琪慰遣暫還辭以軍旅方殷義不反顧卒以死

勤事歿口外年僅四十餘

府志

黃宣中字殿元雍正己酉科武舉邑西樓霞人少失怙事
母以孝聞持身礪名節細行必飭與人樂易可親然稍
弗順於理輒面斥之無恕詞族姓尤多所匡正處家豐
儉適宜唯好施予里中緩急恃本境翔龍橋將圯議建
僉有難色宣中捐金首倡躬為董役橋成往來德之

傅尚義渭江人由附監考授縣丞嗜學敦品行其德康
熙甲申歲饑尚義捐穀倡賑居恒秉禮範俗尤嚴庭訓
子郡廩生紹巡能讀父書有弟紹遜寢疾度不起以苑
孤託巡巡撫之踰己子雍正甲辰邑議改建 學宮

與協贊當事雅重巡迓無私謁

袁連號天逸小北門車田人少為諸生讀書務實學為人
公正嚴毅族里中有事多求質其平尤好施予急公嗜
義康熙甲申歲歉施粥賑饑雍正丙午穀踴貴盡發倉
粟貸貧民不足借官廩濟之嘗獨力建謝恩橋及新邑
學首捐金助木訖學成多恃其力邑人士高其行誼白
教諭劉斯組舉為鄉飲賓辭不赴

張世棟字瞻雲號松亭邑西泗下人資穎悟貫穿百家言
雅善屬文由廩生出力營田議叙膺保舉監督興平倉
補常州海防同知兼督寶蘓局錢法諸所專司靡不次

第聲舉負氣骯醜隨俗委蛇蒞常三載遽解組歸居
常任義俠好與人為善初需次都門浙人錢清不諧於
其鄉避寓京邸以文謁世棟奇之助之金入監旋授北
關海防廳駐江陰署側有錢生者亦雋士家貧無力畢
婚嫁世棟聞而贈之金與人感誦其他慷慨好施類如
是居家捐貲修祖祠置祭田有范文正之遺弟世均為
於行誼士林推重

鍾學進字勉男觀光人為入方嚴不甚治舉業喜為韻語
亦不事務炫好愆愆人為善與鄉黨子弟言依於孝弟
力田治族尤剛毅持正無所假借吉凶儀節折衷古

屏僧道晚年蒞化治圃與父老優游順養蕭然如古逸
民卒年八十四子世珩邑諸生壯歲訓經自適其天與
世無機心年七十餘德量如其父子孫膺貢選列庠序
者近十人

袁淑騫字克言禮教防人子鐘子也由附監考職縣丞先
世自明嵩縣魏諭袁倣至淑騫羣從子孫傳衍七世未
析爨稱義門騫篤性天母黃氏患乳疽騫以獨子侍病
累月不就臥室再從子梅楫皆弱冠不永其年遺孤芳
與芹並撫教為諸生芳母郭氏芹母李氏並以節著騫
家素封而好禮所與交皆邑聞人蓄藥餌濟親族平治

橋梁道路累數百金無所惜子自樹由拔貢任兩淮鹽
運經歷守官和易不齷齪為俗吏生平好義樂善如其
父

夏侯蔭字景山池塘人歲貢生安貧嗜學和氣薰人事闕
名節輒堅確不回當事重其品誦爭以禮致之卒未嘗
有私干

彭即達字敏及漳源人由歲貢歷任南城廬陵訓導為諸
生時屢試高等為文揮洒如意不名一體而風格自高
教授里中多所成就及居官設教多士亦為傾心嘗率
廬陵人士改建 學宮居家補實行兄弟相友爱晚年

定成 身居族長諄諄以敦睦勗子姓

張元璽北溪人恩貢行文清真雅正不涉險僻詩亦饒有
一廬陵風味所造就皆淹雅士修家廟置義田捐館教以
為族人倡士林多之

周峻字宗聖醴溪人天資穎異文思敏捷家素貧淡薄自
甘任定南訓導衣冠樸素紳士稱為古先生孫大猷少
孤服祖訓舉丙子孝廉司鐸鄱陽

張經字正邦邑南桃源人少失恃善承厥考教工詩文屢
試高等尤工行草書法筆跡屢空晏如也平時持重寡
言酒後輿酣上下千古益徵學養之邃從遊者皆知名

士惜數奇以歲貢終

嚴宗定字友黃號得村介橋人學問淹貫為古今詩文字
皆力追先正屢試冠其曹膺戊申選貢會 詔行保舉
以知縣譚獻策薦分禮部儀制司學習親老乞外任泰
州新興場鹽太使性方直不能諧時三年解歸家徒壁
立授徒著述自娛經指畫者多以文章科名顯所著有
可繼錄負書草及四書文稿同懷弟宗寬字又吳少服
伯兄宗定教績學為今古文詩與宗定齊名遊歷吳楚
閩粵間吟咏適志友教幕府耿介無所脂韋官師楊錫
紱每以冷友稱之由歲貢授弋陽訓導陶甄多士為人

倫師表引年致仕著有學樂編竹園文鈔

府志

任燾字時遇橫坑人由歲貢任與安訓導素行篤實力學

能文學使者屢褒其優行居官振飭士風常率多士修

葺 文廟廊廡待人和易坦白後進樂從之遊精易標

著之數恒不欲以是自見人以為有漢長者風

黃廷琳字崑山樓霞人父正中為名孝廉琳早孤篤志力

學家無宿春晏如也歲薦後一遊都門而歸知縣楊宏

綱重其學行延為義塾師維持學校及正邑中大利害

羣而不黨從弟邑廩生廷瑾刻苦讀書工詩文立身行

已務持大體子汝旦稟庭訓為邑廩生次汝勗汝冕並

邑諸生

嚴開昱字宏昭介橋人壬戌歲貢少孤侍祖母表以色養
聞力學敦品屢空晏如從兄開昶官御史開昱隨寓京
邸權貴交相引重絕無脂韋逢迎態生平嚴氣正性跬
步必謹尤善振後學縣令楊王棟沈均安劉純煒延主
義塾士林矜式

趙廷相字時坦城內人由歲貢任龍泉訓導幼孤依祖母
歐陽氏家貧侍養無缺甘旨讀書母氏燈帷背誦琅琅
母亦樂之壯以舌耕自給為文一研墨而就多以自然
流動為主作詩亦然晚年一官冷署吟哦自適解組歸

居白田別業天和順養年近九十而終

嚴宗質字素文介橋人歲貢生幼穎悟年十五補郡諸生
為文疏宕雋永每試列前茅存心忠厚處事寬平尤篤
厚根本父開宣病瘋癱宗質十年侍左右未嘗少懈既
丁父憂諸弟俱尚未冠質友愛中加防範皆課之成立
生平厭蕪氛履跡不入城市郵患解紛扶持名節有漢
長者遺風子秉遇恩貢生秉迅邑諸生皆能讀父書而
秉迅嗜學工文年不竟其志士林惜之

歐陽去佞防里人平度州牧光縉季子縉謫陝西時去佞
將受室潛然曰吾父遠羈異域吾何忍以家為逐撲被

走長安侍父旅邸十餘年以勞瘁得疾卒訃聞諸昆環
泣欲前獨姪仁計諸父年高恐不耐寒暑淹滯中途願
兼程往代諸父念其肫摯允所請即日就道比至大父
病篤仁侍床褥衣不解帶者垂兩閱月已而大父不起
仁哀毀逾常格間關扶二喪歸里中稱孝子順孫萃於
一門仁以子星官臨淄知縣贈文林郎

張學鵬字飛漢以歲貢任永新縣訓導改蓮花廳時廳學
新設諸興舉振飭有條為文敏捷工吟咏詩人多傳誦
之府志

黃郁李字仲芳邑北江東人郡庠生少失恃侍父躬溫清
撫兄遺孤師昌瑜已子家頗給好行其德青竹魯某舉
家嗷嗷變房得十金攜以覓糶遺諸途泣而歸幾不欲
生或以告郁李使召之至與之銀如其數并助給穀拾
碩家置學田資子孫膏火子孫後先蜚泮壁雍正八年
鄉飲介賓卒年九十

張尚鏞字和音泗下人由例監考授州同職家素封好行
其德親族中有不足者貸以粟諸姪則以膏火佐其讀
每歲合藥施棺費數百金交遊多端人學士年六十六
舉一子人以為好義之報

袁汝璧字聯輝禮教坊人諸生袁芹子也乾隆辛酉選貢

性無矜飾敝衣敗冠不為耻嗜學多所漁獵學使趙大鯨試明經善其濂洛闢閩論持板之屢應科舉無所遇弗以屑意讀書賦詩自樂尤工五字詩多自道其甘苦閱歷之况其發見天屬者益悲愴幽咽不自勝卒年五十八所著有易堂詩文集先儒釋言

彭源宏字巨腴西岡人附貢生少失怙事祖父母以孝聞為人厚重簡默以禮自持好行其德有長者之稱好讀書行善族中一應公務俱身為倡率家本素封不屑屑家人生業常遊滇蜀間紀行賦詩都有別趣

李自謙字益階東溪人附貢生立身持已謹飭老成恒積

穀三百碩以貸鄉鄰不取其息行之數十年迄無德色有羅某者迫於宿逋欲出妻以償自謙聞而贈之金如所應給數羅某夫婦克全鄉人僉稱有謙真長者雍正十年舉鄉飲正賓

黃汝明棲霞人天性醇厚尤篤友愛同懷弟汝卓由武科應丁未春闈試額滿列乙榜挑選發浙委署雲和令奉文採買以米霉爛呈議鬻產賠補弗給汝明罄已田二百餘畝出售代為完項家計坐是蕭然迄無悔怨課子其傑應選貢授官學教習補崇仁諭陞來賓知縣兩遇覃恩得邀贈如例

鍾元錦字天孫山泗人邑諸生明都御史鍾烱孫居心渾厚植行端方事繼母孝謹無異所生服陰猶哀雍正間公舉鄉飲介賓鄉里推為長者卒年九十一

趙被字時魁城內人乾隆丙子鄉舉歲貢生遜顏簪五子也母蕭氏遺腹生被弱不好弄城居循循如處子稍長讀父書如接庭訓親手澤輒淚下事母一本於誠貧而能養承歡之餘每雜舉古事以博色笑侍病尤曲至居母喪三年飯粗糲不入卧內族黨稱其孝宮次錄古孝子二百人各繫一詩借吊古以紓己哀後試教職借補吉水訓導蕭然冷暑携其從子飲食而教誨之一稔自

擁歌聲出金石修脯肩弗計也嘗署臨川雩都教雲門下士重其學品來問字無虛日去任時祖道餞別者雲集素工詩兼善書法卒年六十所著有南庵詩文集表維被字振侯邑北禮堂人由邑庠生授漕運隨幫廉幹著績擢衛千總優卹運丁勤勞過瘁乞假旋里初家貧事厥父母能以力養材具敏練見義勇為宦遊後杜門韜光惠周鄉里荒年穀竭出粟貸不取息甚或不責償最嚴庭訓尊師友四子並服教饒有父風

李自被字萃亭檀溪人附貢生為人篤實謹飭幼失恃事繼母喻氏得其歡心一門羣從相友愛植學論文不事

浮華常捐貲倡修普惠橋及他道路歲歉捐穀賑貸鄉人稱義行

夏侯煒字峻淑邑西王嘉山人少孤依節母氏任同懷弟二俱黜齡仗煒家督煒性孝友善承母氏歡每念父早見背輒泣下沾襟諱日設奠哀號終其身罔攸數年二十二妻李氏卒誓不再娶二弟成立析生產煒以肥美相推讓子瞻受室後屏諸一切抱樓舍醇類懷萬遺風惟接待名下士意致殷勤累日不為疲倡族置學田鼓勵後進書香蔚然壽八十二而卒

李發培字本植雙源人負販子也善事父母服勞奉養備

至父卒號奠依母母間出取蔬知必迎還盛夏燃驅蚊具代帳冬夜烘被旦烘衣行之數十年如一日有食以肉者輒懷歸鄰蕭氏高其行誼妻以女母壽踰八旬卒過塋所必號泣蓋其孝行出於天性云

嚴思濬字叙愷號潛菴介橋人州教宗嘉家孫乾隆丁丑會試第三人成進士為人疏節濶用不立城府好讀書目下數行發為詩古文頃刻千言不加點獨制舉時營度不輕脫稿蔚然有經籍光大父宗嘉持清白吏數十年思濬復繩祖武而性天質厚甲戌持祖服不上公車數遊幕府得館穀以養繼祖母父母既官靈山培

植士類興學校修 文廟靈士不列科名十餘年庚寅
大比遂有舉鄉試者 朝廷方征緬甸兩粵有辦馬之
役思濠四處購買良馬五十餘匹赴滇事集而民不擾
及權歸善篆務值徵兵回閩過其境千餘人諸供應經
畫裕如毫不累民制府撫軍交重之舉 卓異正薦入
覲年四十七未竟其用而卒所著有潛菴詩鈔四書
文稿從兄思發字景肇遂於易制藝精刻樂引板後進
將膺歲薦而歿子升銳邑廩生升悅升曉為邑諸生

鄉飲

明

李資正景泰間

林洪昌正德丁丑

林冠邦嘉靖壬寅洪昌子

嚴淙嘉靖間介賓

李匡嘉靖間

彭珪

胡應貞邑庠嘉靖間介賓

張羨中邑附生嘉靖間介賓

李戴邑增生萬歷間介賓

嚴峇邑庠生淙長子萬歷間介賓

晏灑

周可畏萬歷十四年介賓

李璉邑增生萬歷間介賓

黃承萬歷間

袁情表萬歷壬午介賓

張桂萬歷三十七年

歐陽辰萬歷間

袁儁萬歷丁巳介賓

李簾邵庠生萬歷崇正間兩舉介賓

黃琮邑庠生天啟辛酉介賓

李天錫邑庠生崇正辛巳介賓

胡焯崇正九年

張兆正崇正巳卯

劉應祥崇正九年

張楫崇正十四年

國朝

順治丁亥

李顯

康熙十年

胡士佳庠生

張士貴

林自善

康熙十一年

嚴雲會庠生

鍾日宣庠生

康熙十二年

周日曙

雍正六年

歐陽倩副榜

張天燾廩生

袁嘉松

傅尚行貢生

鍾元錦庠生

林來珩

雍正七年

唐德義貢生

趙士瀾庠生

黃正冠

和平正直
鄉邦之望

朱 訊附監生

品端學化
孝友樂善

黃郁李庠生

鍾 組

雍正八年

李自謙貢生

袁斯洵庠生

蕭文楷

鍾汝達庠生

李日旦庠生

慈祥醇厚郡縣守令贈額盈
門學使金德瑛贈匾曰仁德

黃宗樞

雍正九年

袁士達庠生

鍾圻仁庠生

袁益鳳

鍾 球庠生

黃廷樞

鍾秉德

雍正十年

分宜縣志

卷十四

鄉飲

五十六

張 樞庠生

劉成漢

宋 萱

彭 姚庠生

李鼎齡

黃兆蘭

雍正十一年

黃 選庠生

林來瓊

黃文錦

晏濂

乾隆十九年

黃廷璋庠生

歐陽標

鄒鳴玉

品端志潔
前民矩矱

鍾志玫

乾隆二十年

彭錫珩副榜

王 浚

宋應芬

嚴開

乾隆二十一年

張毓浚訓導

歐陽仕庠生

楊紹琦

黃 蘭

乾隆二十三年

任 蟠貢生

林以清庠生

劉天樞

李元斌

乾隆二十五年

林以淇

袁維寅

鍾應璜

吳維憲 孝友端方

耆壽

明

彭珪西岡人為人孝友正直以敬宗收族為己任族子編修鳳衍古禮舉行家約推珪為約長珪糾察一秉至公族人化之邑令重其行舉為鄉飲壽官晚年自闢別業號北園翁年八十餘以壽終子孫蕃衍多列青衿膺歲貢者人以為盛德之報

國朝

吳宗芝萬溪人存心忠厚制行樸實排難解紛鄉稱善士

享年九十有六孫起潛附貢生曾孫兆遇兆通元龍並

列邑庠

歐陽任防里人光緝孫天稟純懿以肫赤自矢無機事并無機心孝友之行不事雕琢而動與士會初攻舉子業試於省尚得山水慕陶隱居高風表節信柳見志也乾隆元年欽奉 恩詔賜八品冠帶乾隆二十年乙亥壽

臻百齡

趙贊頤本城人永豐訓道趙鳴鏗季子好讀書性情渾樸有古獨行君子風鴻臚寺卿袁芳松贈以琴歌自樂區額享年九十四歲

分宜縣志

卷十四

耆壽

五十八

袁國柄紐村人性質直孝於所生庭幃豫順居恒好義通財鄉里交口稱善士隆師課子迄用有成郡司馬翟照庭重其行誼贈以壽額乾隆元年遇 覃恩准予頂帶子孫蕃衍書香不根

鍾瑞彩弓江人天性渾厚古道照人壽九十有六其從子立彥沉靜質朴恬淡冥營壽九十有七

歐陽宰防里人厚重藺默端謹而和平言語敦龐鄉里服壽九十有四

戴仕雲重田人少歷艱辛骨堅強而神凝鍊花璞全真前民矩矱現年九十五歲

邠邦達邑南八都人慈祥豈弟好行其德恒以讀書極為善最樂二語垂為家訓老成典型甚負鄉望現年九十有二

卷之六
第一口